

武陵縣志卷一

星野

周禮保章氏以星土辨九州之地所封封域皆有分星以觀妖祥

鄭注鶉尾楚也

考此可以得武陵縣所次之舍

爾雅鶉尾翼軫也

史記天官書翼軫荆州

漢書天文志同

漢書地理志楚地翼軫之分野也今之南郡江夏零陵桂陽武陵

長沙及漢中汝南郡盡楚分也

考此可以得武陵縣所次之星

後漢書郡國志自張十八度至軫十一度曰鶉尾之次於辰在巳

謂之大荒落於律為夷則斗建在申今楚分野

武陵縣志

卷一

晉書天文志自張十七度至軫十一度為鶉尾於辰在巳楚之分

野

唐書天文志翼軫鶉尾也初張十五度餘千七百九十五杪太中

翼十二度終軫九度自房陵白帝而東盡漢之南郡江東東連

廬江南郡濱彭蠡之西得長沙武陵又逾南紀盡鬱林合浦之

地

考此可以得武陵縣所次之度

晉書天文志州郡躔次翼軫楚荆州武陵入軫十一度常德府晉

為武陵郡治

考此可以得其所入之度

附分野節氣占驗

月令章句自張十二度至軫六度謂鶉尾之次立秋處暑居之楚

之分野

附西法黃赤道交宮宿度占驗

西法鶉尾宮赤道自張六度五十一分至翼二十九度三十一分

黃道自星七度五十一分至翼一十一度二十三分

按諸史皆謂自張至

軫為鶉尾之次雖度數差異而宮宿未改也而西法鶉尾宮黃赤宿度與古懸殊蓋西法以中氣過宮恆星循黃道東行七十年而差一度故宮無定宿而宿可以遞居各宮謂分野不甚足據此其說非也又秦氏蕙田曰自周禮保章氏以星土辨九州之地所封域皆有分星以觀妖祥梓慎禘禘史墨之徒專以此為知天道分野之說固有所從來然謂之星土分星則星為主而不主節氣明矣若十二次與節氣推移分野不據分星乃隨節氣而異古無是法

附五緯星占驗

史記天官書吳楚之疆候熒惑占鳥衡

鳥衡柳星也漢書天文志同

武陵縣志

卷一

續漢志註熒惑主揚荆交

通鑑地理通釋熒惑主楚越

附北斗七星占驗

春秋緯文耀鉤荆州屬衡星

衡星北斗第五星

續漢志注玉衡者斗九星也第四星主荆州

此又與衡星之說稍異

以五卯日候之丁卯為武陵

附十干十二支占驗

漢書天文志丙楚

淮南子寅楚又丁巳楚也

附分至測景長短

舊唐書天文志朗州測景夏至長七寸七分冬至長一丈五寸三分春秋分四尺三寸七分半

武陵縣唐為朗州

附北極出度

舊唐書天文志朗州北極出地二十九度平

西法測得常德府北極出地二十九度

附東西徧度

西法測得常德府徧西四度七分